

M O G O L I S I M P E R I V M .

importantur , opulentissimo commercio. Metallorum haud expers est solum, ferri, æris, plumbi, &c, ut quidam narrant, etiam argenti.

Metalla.

Præcipuæ hujus regni merces sunt: goffypium; & panni qui ex illo texuntur, immensa copia & innumera varietate: *Annil*, quod vulgo glastum vocant, tinctura species: *Iugu*, medici & pharmacopolæ Europæi vocant assam fætidam: opium, ipsi *Afion* vocant: nitrum sive sal petrosus: borax item, moscum, spica nardi, argentum vivum, æs, & tinctura quædam, *Mirzel* illis dicta, qua panni elegantissimo colore jechorario sive castaneo inficiuntur: saccharum denique magna copia; uti & variæ gemmæ, chrystallus, alabastrites, porphyrius lapis, iaspis, achates, aliæque, quas incolæ eleganter perpolire norunt; quibus accedunt adamantes, & quas vocant *oyos de gato*.

*Populorum
hujus re-
gnis mores.*

Incolæ & indigenæ Indostan olim gentiles fure & profani idololatræ, communi nomine *Hindo* dicti, sed postquam à Temirlane subjugati, fuerunt Mahumetanis permitti. Præterea hic multi degunt Persæ & Tartari, multi Abyssini & Armenii, & pene ex omnibus gentibus Asiaticis aliqui, atque adeo ex Europeis. Indigenæ nostris statuta æquales & fere erecto corpore; nam pauci aut nulli hic reperiuntur incurvi aut gibbosæ, fusco sunt colore & olivastro, nigris capillis; non tamen crispis. omnem comam capitum abradunt præterquam circa verticem, ubi cirrum relinquunt, ut Mahumetes illo ipsis in cœlum attrahat. Vester marium & foeminarum pene ad eundem modum factæ sunt è goffypio panno; tunicae utrorumque arcta ac circa lumbos strictæ, quas ad genua usq; promittunt, sub quibus bracas gestant ad talos usque demissas.

*Incolarum
divisio &
religio.*

Incolæ hujus regni (inquit *Texeira*) dividuntur in Mahumetanos & Gentiles; sed harum duæ tertiae partes fere unius sunt opinionis; licet fere Gentiles omnes sequantur sectam & opinionem Pythagoræ: credunt enim animarum immortalitatem, illasque aut præmium aut poenam assequi per transmigrationem in alia corpora. Præter hanc plures alias habent opiniones perabsurdas, quas referre pagina prohibet.

*Deregimi-
ne politico
& civili.*

Imperator harum regionum, princeps plane est absolutus: nullæ hic scriptæ leges; principis voluntas pro lege habetur; semel singulis septimanis sedet pro tribunal, auditque patienter omnes causas tam civiles quam criminales, easque terminat judicio plane irrevocabili: poenæ quoque capitales ut plurimum ipso inspectante infliguntur in damnatos cum summa crudelitate: atque hæc quidem in urbe regia aut ubi cunque aulam habet. In cæteris provinciis ad eundem modum à præfectis jus dicitur, è delegata potestate per Firmam ut ipsi vocant; qua uidem absolutam accipiunt potestatem in subditos vitæ & necis. Imperator & præfecti provinciarum plurimum judicant secundum allegata & probata: lites summa brevitate absol-

vuntur: fontes autem severe admodum puniuntur, nam aut capite plectuntur, aut suspenduntur, aut palo infiguntur, aut elephantis aliisque feris objiciuntur secundum delicti modum.

Rex ter quotidie se populo conspiciendum præbet: semel post solis ortum è fenestra (*Iarneo* vocant) quæ patet ad orientem supra portam prætoriam, ubi à multitudine salutatur, ut plurimum hac acclamazione, *Padska Salament*, id est, Rex vivat. Secundo meridie, quo prodit ad eandem fenestrâ, ut elephantorum aut aliarum ferarum pugnas contempletur. Tertio paulo ante occasum solis ad fenestrâ, quæ patet ad occidentem (*Durbar* ipsis.) ubi autem sol occidit, subducit se cum tympanorum & aliorum instrumentorum clangore & acclamationibus populi. Omnibus hisce temporibus si quis supplacem libellum offerat, auditur. à septima autem vespertina ad nonam privatim cum magnatis consultat in pulcherrimo atrio, quod *Guzelian* vocant. Præcipui ministri aulæ atque adeo imperii sunt Thefaurarius, Præfectus eunuchorum, qui & aulæ magister est, Secretarius, Magister Elephantorum; itemq; custos tentiorum, & custos vestimentorum & monilium. Habet & præfectum prætorio, quem vocant Cutwallum; quales quoq; sunt in omnibus civitatibus & oppidis primariis, qui prætorum urbanorum officio funguntur. Cadeæ autem custodes sunt carcerum, qui debitores omnes qui solvendo non sunt carcere concludunt, & eorum bona, atque adeo ipsis & liberos eorum venundant, & mancipio tradunt.

Cæteri fere principes secreto res suas peragunt, hic vero omnia regni negotia propalam discutiuntur. ne quidem ea quæ intra conclave peraguntur, curiosos latere possunt, exiguo modo donario scribis illius indulto.

Nemo à principe quidpiam petiturus ad ipsum admittitur sine munere; quod qualemque tandem sit, accipit; sæpe etiam remittit, quum displicet, aut ut majus & melius extorqueat.

Cæterum regimen mere tyrannicum est, nam quum rex solus sit dominus omnis soli; pro libitu donat & adimit agros subditis suis: magnates quoq; crebro locum mutare cogit, simul cum terris quas ipsis in censum attribuit; tenuiores vero & plebem ita vexat, ut sæpe singulis semestribus agros mutare cogantur: nam aut rex ipse sibi sumit, & deteriores in eorum locum restituit; aut quos uni eripit, alteri donat; quo fit ut regio omnis minus sedulo colatur.

Porro conditio agricolarum hæc est, ut accedant præfectos pagorum, qui in singulis à rege constituuntur, & apud illos profiteantur, ubi & quantum soli ipsis conserere in animo sit, aut ubi pecudes aut armenta pasturi: ubi seges maturuerit, & secta fuerit, regii ministri vocantur, qui in regis usum capiunt pene tres quadrantes omnium frugum. pro pastura nihil aut perparum solvit.